

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNO TUŽILAŠTVO
KANTONA SARAJEVO
Broj: T09 0 KTRZ 0021721 11
Sarajevo, 26.12.2011. godine**

**KANTONALNOM SUDU SARAJEVO
Sudiji za prethodno saslušanje
S A R A J E V O**

Na osnovu člana 45. stava 2. tačke i) i člana 241. i 242. ZKP FBiH,
podizem

O P T U Ź N I C U

Protiv:

I.Č.(1947.) iz Sarajeva

Što je:

Za vrijeme rata i oružanog sukoba u Bosni i Hercegovini između Vojske Republike Srpske (VRS) i Armije Bosne i Hercegovine na području sarajevskog naselja Dobrinja, kao pripadnik Armije BiH postupao suprotno odredbama člana 3. Ženevske konvencije o zaštiti građanskih lica za vrijeme rata od 12.08.1949. godine i člana 75. stav 2. Dopunskog protokola I uz Ženevske konvencije od 12.08.1949. godine o zaštiti žrtava međunarodnih oružanih sukoba, tako što je:

Dana 18.09.1992. godine oko 15,00 sati, kao pripadnik Armije R BiH, V.J. 5082, zajedno sa dva naoružana i uniformisana vojnika po nadimcima „...“ i „...“, u prostorijama Mjesne zajednice Dobrinja

III, općina Novi Grad Sarajevo, fizički zlostavljao civile srpske nacionalnosti i to S.V., D.K., V.Č. i jednog studenta, koji su toga dana kopali rov na lokalitetu Dobrinja V za potrebe Armije R BiH, kojom prilikom je sa kopanja pobjegao R.K. na teritoriju pod kontrolom Vojske Republike Srpske, smatrajući da su oni organizirali bijeg R.K., tako što je I.Č. S.V. šamarao i udarao šakama po glavi i tijelu, kao i V.Č. i studenta, dok je vojnik pod nadimkom „...“ stavljao nož pod grlo D.K. i prijetio da će ga zaklati, pa kako se njihovi jauci ne bi čuli vani, I.Č. zatražio ključ od podrumske prostorije u koju su odveli oštećene kojom prilikom im je naredio da legnu na pod, a zatim počeli zlostavljati oštećene, udaravši ih nogama, šakama i kundacima pušaka, nakon čega je I.Č. nogama na kojima je imao vojničke čizme nanio više udaraca S.V. u predio grudnog koša, od kojih udaraca je S.V. izgubio svijest i zadobio teške tjelesne povrede u vidu prijeloma 6., 7. i 8. rebra sa desne strane sa prisutnosti zraka ispod kože i sa pomakom koštanih patrljaka kao i lake tjelesne povrede u vidu mnogobrojnih nagnječenja u predjelu tijela, pa kada je na vrata podruma došao jedan vojnik rekavši „I. prestani, nemoj ih više tući, sve ćete ih poubijati i ko će onda odgovarati“, I.Č. je naredio oštećenim da ustanu sa poda i dok su tako stajali svakog oštećenog udario šakama i nogama, nakon čega su ih vratili u prostorije mjesne zajednice, odakle su ih dvojica vojnika vozilom Golf odvezli u zatvor „Sunce“ u kojem su zatekli još desetak pretučenih lica, iz kojeg zatvora je S.V. nakon tri dana pušten na slobodu.

Dakle, kršeći pravila Međunarodnog prava za vrijeme rata i oružanog sukoba, namjerno nanosio civilima snažni tjelesni i duševni bol, nečovječno postupao i protuzakonito zatvarao civile,

Čime je počinio krivično djelo ratni zločin protiv civilnog stanovništva iz člana 173. stav 1. tačka c) i e), a sve u vezi sa članom 180. stav 1. i članom 29 Krivičnog zakona Bosne i Hercegovine.